

KLASA I

Djali që thërriste “Ujku! Ujku!”

Na ishte njëherë djali i një bariu i cili çdo ditë kulloste tufën e tij të deleve në lëndinat e fshatit. Për shaka ai shpesh thërriste “Ujku! Ujku!” Kjo bënte që fshatarët, të cilët punonin në fushat aty afër, të afrosheshin me vrap që ta shpëtonin nga rreziku. Por pasi ndodhi kështu dy apo tri herë, fshatarët e gënijer vendosën që të mos ia vinin veshin thirrjeve të djalit.

Disa ditë më vonë, u shfaq me të vërtetë një ujk dhe djali i bariut, nga frika, thirri me të madhe “Ujku! Ujku!”, por askush nuk iu përgjigj thirrjeve të tij dhe kështu delet e tij u mbytën prej ujkut.

Po të mos kishte pjesa më sipër atë titull që ka, cili nga këta tituj do të ishte më i përshtatshëm?

- A) Ujku B) Fshatarët C) Djali
D) Delet E) Gënjeshtari

Çfarë **nuk** mund të fillojë me “na ishte njëherë”?

- A) përralla B) një copë leximi
C) emisioni i lajmeve

Fjala “tufë” në fjalinë e parë më sipër mund të zëvendësohet me një fjalë nga matematika. Cilën?

- A) numër B) bashkësi C) tetë D) rreth E) varg

Çfarë pune bën bariu?

- A) Bariu kujdeset për djalin.
B) Bariu mbjell dhe korr barin.
C) Bariu shet qumësht në dyqan.
D) Bariu kujdeset për delet.

Çfarë shakaje bënte djali?

- A) Qeshte me zë të lartë. B) Trëmbte delet.
C) Gënjente fshatarët duke bërtitur.
D) Fshihej dhe bënte sikur ishte ujku.

Ku ndodheshin fshatarët, kur djali bërtiste?

- A) Në fshatrat e tyre. B) Në shtëpitë e tyre.
C) Duke punuar aty afër. D) Pranë deleve të djalit
E) Asnjë nga këto.

Çfarë vendosën fshatarët?

- A) T’i tregonin të vërtetën djalit.
B) Ta ndihmonin djalin.
C) Të mos e donin djalin.
D) Të mos e besonin djalin.
E) Asnjë nga këto.

Sa herë u gënjyen fshatarët?

- A) një herë B) shumë herë
C) asnjëherë D) më pak se katër herë

Kur u shfaq ujku me të vërtetë?

- A) Kur e mori uria.
B) Kur djali thirri “Ujku!”.
C) Para se djali të bënte shaka.
D) Kur erdhën fshatarët.
E) Pasi djali kishte gënjyer disa herë.

Çfarë mësimi del nga kjo pjesë leximi?

- A) Nëse gënjen një herë, mos thuaj të vërtetën.
B) Nëse themi gënjeshtër, askush nuk do të na besojë kur themi të vërtetën.
C) Të mos bëjmë shaka.

Cila nga fjalët me të zeza fillon me zanore?

- A) **fshatarët** B) **djali** C) **bariu** D) **ujku** E) **rreziku**

Cila fjalë ka më shumë rrokje?

- A) **kullot** B) **vendos** C) **bariu** D) **askush** E) **thirrje**

Cila nga shkronjat ndodhet më pas në renditjen e shkronjave në alfabet?

- A) shkronja **O** B) shkronja **N** C) shkronja **Ç**
D) shkronja **K** E) shkronja **H**

Cila nga fjalët më poshtë është shkruar gabim?

- A) reziku B) thërriste C) ujku
D) thirri E) mbyt

Në fjalinë më poshtë gjej cila fjalë fillon të shqiptohet duke bashkuar buzët?

Për shaka ai shpesh thërriste “Ujku!”

- A) fjala e parë B) fjala e dytë
C) fjala e katërt D) fjala e pestë E) asnjëra

Sa shkronja dyshe ka në fjalinë më poshtë?
Askush nuk iu përgjigj thirrjeve të tij.

- A) 2 B) 3 C) 5 D) 6 E) 7

Një bashkim shkronjash është fjalë.
Kjo është e vërtetë:

- A) gjithmonë B) disa herë C) asnjëherë

Në pjesën e leximit “*Djali që thërriste “Ujku! Ujku!”*” cila dyshe fjalësh mund ta ndërrojë vendin pa prishur kuptimin?

- A) na ishte B) aty afër C) por pasi
D) disa ditë E) shpesh thërriste

Cilës pyetje nuk i gjendet përgjigjia në pjesën e leximit “*Djali që thërriste “Ujku! Ujku!”*”?

- A) Çfarë pune bënte babai i djalit?
B) Çfarë bënte djali?
C) Ku jetonte djali në fshat apo në qytet?
D) Nga erdhi ujku?
E) Çfarë ndodhi me delet?

Për cilat lloje shkronjash ne përdorim grepin lidhës?

- A) shkronjat e vogla të shtypit
B) shkronjat e dorës C) shkronjat me laps të zi
D) për çdo shkronjë E) për asnjë shkronjë

Cili nga emrat në pjesën e leximit më sipër është i përveçëm dhe duhet shkruar kudo me shkronjë të madhe?

- A) djali B) bariu C) ujku
D) fshatari E) asnjë nga këto

Pas cilës fjalë në tekstin më sipër nuk vendoset pikë, por një shenjë tjetër pikësimi?

- A) fshatit B) djalit C) rreziku
D) ujku E) asnjëra nga këto

Cila nga fjalët tregon veprim?

- A) kulloste B) thërriste C) punonin
D) afroheshin E) të gjitha këto

Në cilën stinë vijnë lejleku dhe dallëndyshja?
(*kujto vjershën që ke mësuar*)

- A) në dimër B) në verë C) në pranverë
D) në vjeshtë E) në të gjitha stinët

Cila vjershë do të ishte më e dashur për djalin që thërriste “Ujku! Ujku!”?

- A) Ç’ke harruar, moj Valbonë? B) Përrallëtarja
C) Kam një qengj që ha bar D) Nëna
E) Asnjëra nga këto

Në vjershën “Stinët” cila stinë përmendet?

- A) dimri B) vjeshta C) vera D) pranvera
E) të gjitha

Cili varg vjen pas vargut të Xhevahir Spahiut “vret e pret kuçedrën djali”?

- A) del qerosi mendjemprehtë
B) bukuroshen e merr vetë
C) në çdo fjalë trokon kali
D) një përrallë për zonjën dhëlpër
E) porsa panë gjahtarët ikën

Vjersha “Nëna” flet për

- A) nënën që gatuan mirë
B) nënën që tregon bukur përralla
C) dhembshurinë e saj
D) të gjitha këto E) asnjë nga këto

Cila dyshe fjalësh ka të njëjtën rimë?

- A) blerim - gëzim B) larosh - bukurosh
C) pak - gjak D) abetare - dritare
E) të gjitha këto

Në këngën e abetares “Udha e shkronjave” të Xhevahir Spahiut, disa nxënës bëjnë një gabim. Është shkruar këtu poshtë. Gjeje.

- A) Rrjedh në fjalë plot kuptim.
B) Gjuhë e lashtë e vendit tim.
C) Me ty mendjen lartësoj.
D) Me ty zemrën e gëzoj.
E) Bëhem zog e fluturoj